

U skladu sa članom 2. stav 3. Zakona o kontroli cijena ("Službene novine FBiH", broj: 2/95 i 70/08), a na osnovu ovlaštenja iz Statuta Javnog preduzeća za upravljanje i održavanje objekata u vlasništvu Općine Novo Sarajevo "ONSA" d.o.o. Sarajevo (u daljem tekstu: Preduzeće), Nadzorni odbor na svojoj 4. redovnoj sjednici, *donosi*:

PRAVILNIK O USLOVIMA FORMIRANJA CIJENA USLUGA

I. OPŠTE ODREDBE

Član 1.

Ovim Pravilnikom se uređuju uvjeti i način formiranja cijena usluga.

Član 2.

Cijene se formiraju slobodno, prema uvjetima tržišta.

Pri formiranju cijena usluga neće se vršiti dogovor sa drugim pravnim i fizičkim licima, koristiti monopolski položaj, niti druga pravna i fizička lica dovoditi u neravnopravan položaj.

Član 3.

Cijene usluga koje su predmet prodaje, načelno se formiraju na način i po postupku utvrđenim ovim Pravilnikom.

Konačni cjenovnik na prijedlog Direktora donosi Nadzorni odbor na svojoj sjednici.

II. POSTUPAK FORMIRANJA CIJENA

Član 4.

Za formiranje cijena i utvrđivanje uslova prodaje usluga, nadležan je Direktor. Direktor može ovlastiti i drugog zaposlenika da vrši formiranje cijena i utvrđivanje uslova prodaje usluga. Nakon toga prijedlog cjenovnika podnosi Nadzornom odboru na usvajanje.

Član 5.

Za usluga kojima se cijene formiraju slobodno, Direktor predlaže visinu prodajne cijene usluga. Na osnovu utvrđene prodajne cijene usluga utvrđuje se visina razlike u cijeni (marže).

Član 6.

Prije stavljanja u promet proizvoda i robe mora se sačiniti kalkulacija cijene. Za usluge koje se pružaju sačinjava se cjenovnik usluga, koji treba da je dostupan kupcima.

Član 7.

Direktor, odnosno zaposlenik koji je ovlašten da sačinjava kalkulaciju, odgovoran je za pravilnu primjenu svih propisa vezanih za ispravnost kalkulacije, odnosno za pravilnu primjenu propisa o cijenama.

Kalkulacija prodajne cijene nakon provjere ispravnosti od strane Direktora, mora biti ovjerena pečatom i potpisom.

III. FORMIRANJE CIJENA USLUGA

Član 8.

Prodajna cijena usluga se iskazuje bez PDV-a i ima sljedeću strukturu:

- a) troškovi rada i drugih troškova osoblja koje je direktno angažovano na pružanju usluga;
- b) troškovi nadzornog osoblja;
- c) režijski troškovi;
- d) ostali troškovi direktno vezani za pružanje usluga;
- e) uslužna marža;

Za prodajnu cijenu usluga se ne sačinjava kalkulacija.

IV. DAVANJE POPUSTA

Član 9.

Direktor ili od njega ovlašteno lice, može prilikom prodaje usluga, pod određenim uslovima, davati kupcima popuste u skladu sa posebnom Odlukom Nadzornog odbora u visini do 15 %, a iznad tog iznosa uz pismenu saglasnost Nadzornog odbora.

Član 10.

Odlukom Direktora, odnosno od njega ovlaštene osobe po potrebi se utvrđuje visina popusta i kriteriji, odnosno uslovi koje treba da ispuni kupac da bi mu popust bio odobren.

Prilikom odobravanja popusta trebaju se poštivati odredbe propisa o zaštiti potrošača.

V. OSTALE ODREDBE

Član 11.

Za primjenu ovog Pravilnika odgovorno je lice ovlašteno za zastupanje u skladu sa Rješenjem o registraciji, odnosno od njega ovlaštena osoba.

Član 12.

Ovaj Pravilnik stupa na snagu i primjenjuje se od 8 (osam) dana od dana donošenja.

Broj: 1208/23

Sarajevo, 21.12.2023. godine



Predsjednik Nadzornog odbora

Ezad Šoljić



Broj: 1208-1/23
Sarajevo, 21.12.2023. godine

Na osnovu člana 19. Statuta Javnog preduzeća za upravljanje i održavanje objekata u vlasništvu Općine Novo Sarajevo "ONSA" d.o.o. Sarajevo ("Službene novine Kantona Sarajevo", broj: 34/23) i člana 11. Odluke o osnivanju Javnog preduzeća za upravljanje i održavanje objekata u vlasništvu Općine Novo Sarajevo "ONSA" d.o.o. Sarajevo ("Službene novine Kantona Sarajevo", broj: 11/16, 18/16 - Ispravka i 19/22) i u skladu sa Poslovnikom o radu Nadzornog odbora JP "ONSA" d.o.o. Sarajevo, Nadzorni odbor JP "ONSA" d.o.o. Sarajevo na 4. redovnoj sjednici, održanoj 21.12.2023. godine, *donosi*:

ODLUKU

o usvajanju Pravilnika o formiranju cijena usluga

I

Usvaja se Pravilnik o formiranju cijena usluga broj: 1208/23 od 21.12.2023. godine.

II

Sastavni dio Odluke je tekst Pravilnika o formiranju cijena usluga.

III

Stupanjem na snagu Pravilnika o formiranju cijena usluga broj: 1208/23 od 21.12.2023. godine stavlja se van snage svi dosadašnji akti koji su tretirali navedeno pitanje i izmjene i dopune istih.

IV

Ova Odluka stupa na snagu danom donošenja.

- Dostaviti:
- Oglasna ploča Preduzeća,
 - Nadzornom odboru,
 - Arhiva.



Predsjednik Nadzornog Odbora
JP "ONSA" d.o.o. Sarajevo

Ezad Soljić